

## Caso di IBIS lo ser trata proximamente den Corte Superior



**INFORMACION** ricibi di e caso IBIS lo tuma lugar proximamente den Corte Superior. Manera ta conoci, Corte di Prome Instancia a dicta castigo di prison di 4 aña pa Paul Croes y loke e no a acepta y di inmediato a duna di conoce di lo apela.

Di acuerdo cu nos informacion, e caso lo bin dilanti dia 26 di november.

Paul Croes a wordo acusa di labamento di placa, soborno, trafico di hende, maluso di su funcion. Durante e investigacion aki hopi maluso a ser haci tambe di e sistema hudicial.

E biaha aki, 3 Huez lo trata e caso, cu un speranza grandi cu nan lo destrui e sentencia di Corte di Husticia di Prome Instancia.

Ministerio Publico tambe di su parti tambe a apela, ya cu nan no tabata di acuerdo cu e veredicto. Pues un caso interesante unda lo tende con 3 Huez ta mira e caso aki.